



აგვისტო, 2021 წ.

## ყოველთვიური ეკონომიკური მიმოხილვა\*

### თვის მნიშვნელოვანი მაჩვენებლები

- ივლისში, სტატისტიკის ეროვნული სამსახურის წინასწარი შეფასებით, წინა წლის შესაბამის პერიოდთან შედარებით, რეალური მთლიანი შიდა პროდუქტის ზრდის ტემპმა 9.9% შეადგინა
- აგვისტოში წლიური ინფლაცია 12.8%-ს გაუტოლდა
- აგვისტოში წინა თვესთან შედარებით, ლარის გაცვლითი კურსი აშშ დოლართან მიმართებით 0.4%-ით, ხოლო ევროს მიმართ 0.8%-ით გამყარების ტენდენციას ავლენს.

მაკროეკონომიკური ანალიზისა და საგადასახადო პოლიტიკის განყოფილება

ელ-ფოსტა: [pbo@parliament.ge](mailto:pbo@parliament.ge)

\*სტატისტიკური ინფორმაციის გამოქვეყნების კალენდრის მიხედვით ზოგიერთი მონაცემი წარმოადგენს წინა თვის ცვლადს



საქართველოს პარლამენტის საბიუჯეტო ოფისი


პარლამენტის საბიუჯეტო ოფისი, 2021 წ.

# 1. რეალური და ფისკალური სექტორი

**ივლისში დადებითი ეკონომიკური ზრდა 9.9%-ის ნიშნულზე დაფიქსირდა.**


წინა წლის შესაბამის პერიოდთან შედარებით, 2021 წლის ივლისში, სტატისტიკის ეროვნული სამსახურის წინასწარი შეფასებით, რეალური მთლიანი შიდა პროდუქტის ზრდის ტემპმა 9.9% შეადგინა.

პარლამენტის საბიუჯეტო ოფისის შეფასებით, 2021 წლის ივლისში, წინა თვესთან შედარებით, რეალური მშპ-ის ზრდის ანუალიზებული ტემპმა<sup>1</sup> 20.7% შეადგინა.




**აგვისტოში სამომხმარებლო ფასების წლიური ინფლაცია 12.8%-ს შეადგენს.**

წინა წლის აგვისტოსთან მიმართებით, 2021 წლის აგვისტოში ინფლაციის დონე 12.8%-ით განისაზღვრა, ანუ მიზნობრივი ინფლაციის 3%-იან მაჩვენებელზე მეტი. წლიური ინფლაციის ფორმირებაზე ძირითადი გავლენა იქონია ფასების დინამიკამ სურსათსა და უალკოჰოლო სასმელებზე, ტრანსპორტზე, საცხოვრებელზე, წყალზე, ელ. ენერჯიაზე, აირზე, სასტუმროებსა, კაფეებსა და რესტორნებზე და ჯანმრთელობის დაცვაზე. 2021 წლის ივლისში მშპ-ის წლიურმა საპროგნოზო დეფლატორმა 10.3% შეადგინა.



**ივლისში ნაერთი ბიუჯეტის უარყოფითი მთლიანი სალდო დაფიქსირდა.**

2021 წლის ივლისში წინა წლის ანალოგიურ პერიოდთან შედარებით, ნაერთი ბიუჯეტის შემოსავლები 26%-ით გაიზარდა, ხოლო ხარჯები 8.6%-ით. აღნიშნულ პერიოდში ნაერთი ბიუჯეტის უარყოფითი საოპერაციო სალდო 122 მლნ ლარით, ხოლო უარყოფითი მთლიანი სალდო 339 მლნ ლარით განისაზღვრა.




<sup>1</sup> წინა თვესთან შედარებით ანუალიზებული რეალური მშპ-ის ზრდის ტემპი რეალური მშპ-ის მონაცემების საფუძველზე სეზონურობისა და შემთხვევითი რყევების ამორიცხვით დგინდება და წარმოადგენს შესწორებული ტრენდის განლიურებულ მაჩვენებელს.

ივლისში, გასული წლის ანალოგიურ პერიოდთან შედარებით, ეროვნულ ეკონომიკაზე როგორც ლარში, ისე უცხოურ ვალუტაში გაცემული სესხები არსებითი ზრდის ტენდენციას ავლენს.

წინა წლის ივლისთან მიმართებით, 2021 წლის ივლისში კომერციული ბანკების მიერ გაცემულმა სესხებმა 15%-ით მოიმატა და 38.8 მლრდ ლარი შეადგინა. მათ შორის, ლარში გაცემული სესხები 28.4%-ით, ხოლო უცხოურ ვალუტაში გაცემული სესხები 4.8%-ით გაიზარდა.

ეროვნულ ეკონომიკაზე გაცემული სესხები




## 2. საგარეო სექტორის ინდიკატორები

იანვარ-ივლისში, წინა წლის იმავე პერიოდებთან შედარებით, გაიზარდა როგორც საქონლის ექსპორტი, ასევე იმპორტი.

წინა წლის იანვარ-ივლისთან შედარებით, 2021 წლის იანვარ-ივლისში ექსპორტი 27.8%-ით გაიზარდა, ხოლო იმპორტი 19.3%-ით, რაც ძირითადად სავაჭრო ბრუნვის გაზრდით არის გამოწვეული. ამ პერიოდში ექსპორტის წილი საგარეო სავაჭრო ბრუნვაში 30.4%-ით განისაზღვრა. ექსპორტის მნიშვნელოვანი ზრდა აღინიშნა თურქეთში (65%-ით), უკრაინაში (60%-ით), ჩინეთში (49%-ით), რუსეთში (40%-ით) და აზერბაიჯანში (23%-ით). ამ პერიოდში მნიშვნელოვნად შემცირდა ექსპორტი ბულგარეთში (33%-ით), შვეიცარიაში (20%-ით) და ესპანეთში (16%-ით).


საგარეო ვაჭრობის მაჩვენებლები იანვარი-ივლისი



ივლისში ფულადი გზავნილები გაიზარდა.

წინა წლის შესაბამის პერიოდთან შედარებით, 2021 წლის ივლისში ფულადი გზავნილები 10.4%-ით გაიზარდა. გზავნილების ძირითად წყაროს ევროკავშირის ქვეყნები (გზავნილების მთლიანი ოდენობის 40.3%), რუსეთი (19.2%) და აშშ (12.2%) წარმოადგენენ. საანალიზო პერიოდში გზავნილების მოცულობამ მნიშვნელოვნად მოიმატა შემდეგი ქვეყნებიდან: ყაზახეთიდან (251%-ით), ყირგიზეთიდან (188%-ით), გერმანია (43%-ით), იტალიიდან (19%-ით), საფრანგეთიდან (19%-ით), პოლონეთიდან (15%-ით), აშშ-დან (14%-ით) და აზერბაიჯანიდან (12%-ით).

ფულადი გზავნილები იანვარი-ივლისი






ივლისში, წინა თვესთან მიმართებით, საპროცენტო განაკვეთი დეპოზიტებზე 0.6%-ული პუნქტით შემცირდა, ხოლო სესხებზე 0.5%-ული პუნქტით გაიზარდა.

2021 წლის ივლისში საბაზრო საპროცენტო განაკვეთმა სესხებზე 12.5% შეადგინა, ხოლო დეპოზიტებზე 6.5%-ით განისაზღვრა. საპროცენტო განაკვეთის სპრედმა (სხვაობა სესხებსა და დეპოზიტებზე საპროცენტო განაკვეთებს შორის) 2021 წლის ივლისის მდგომარეობით 6.1% შეადგინა, 0.5%-ული პუნქტით მეტი წინა წლის ივლისთან შედარებით.


საბაზრო საპროცენტო განაკვეთები სესხებსა და დეპოზიტებზე



აგვისტოში, წინა თვესთან მიმართებით, ლარის კურსი როგორც აშშ დოლარის, ასევე ევროს მიმართ გამყარების ტენდენციას ავლენს.

2021 წლის აგვისტოში, წინა თვესთან შედარებით, ლარის გაცვლითი კურსი აშშ დოლარის მიმართ 0.4%-ით გამყარდა, ხოლო ევროს მიმართ - 0.8%-ით. ამავ პერიოდში გამყარდა ნომინალური ეფექტური გაცვლითი კურსი. რაც შეეხება შედარებას გასული წლის ანალოგიურ პერიოდთან მიმართებით, 2021 წლის აგვისტოში ლარის გაცვლითი კურსი აშშ დოლარის მიმართ 1.4%-ით, ევროს მიმართ კი 1%-ით გაუფასურდა.

ლარის გაცვლითი კურსის ინდექსები




## 4. რეგიონული მიმოხილვა

აგვისტოში, რეგიონის ქვეყნებში, გარდა თურქეთისა სამომხმარებლო ფასების ინფლაცია დაახლოებით ერთნაირი დინამიკით ხასიათდება.

კერძოდ, 2021 წლის აგვისტოში თურქეთში წლიურმა ინფლაციამ 19.3% შეადგინა. შედარებით დაბალი იყო ინფლაციის დონე რუსეთში (6.7%) და სომხეთში (8.8%). რაც შეეხება აზერბაიჯანს\*, 2021 წლის ივლისის მდგომარეობით, სამომხმარებლო ფასებმა წინა წლის ანალოგიურ პერიოდთან შედარებით 6%-ით მოიმატა.


წლიური ინფლაცია აგვისტო, 2021



აგვისტოში, რეგიონის ქვეყნების ვალუტების გაცვლითი კურსების უმეტესობა, აშშ დოლართან მიმართებაში გაუფასურების ტენდენციას ავლენს, თუმცა განსხვავებული მასშტაბით.

კერძოდ, 2021 წლის აგვისტოში, წინა წლის შესაბამის პერიოდთან შედარებით, აშშ დოლართან მიმართებაში გაუფასურდა თურქული ლირა (14.6%-ით), სომხური დრამი (1.2%-ით), აზერბაიჯანული მანათი თითქმის არ შეცვლილა, ხოლო რუსული რუბლი გამყარდა (0.5%-ით).

გაცვლითი კურსის წლიური ცვლილება  
აგვისტო, 2021



შემაჯამებელი ცხრილი<sup>2</sup>



ზრდა



კლება



ცვლილება < 1%

		აგვ 20	სექტ 20	ოქტ 20	ნოემბ 20	დეკ 20	იანვ 21	თებ 21	მარ 21	აპრ 21	მაისი 21	ივნ 21	ივლ 21	აგვ.21
რეალური სექტორი	მშპ-ს ზრდის ტემპი													
	დღგ-ს ბრუნვების ზრდის ტემპი													
მონეტარული სექტორი	ინფლაცია													
	მონეტარული პოლიტიკის განაკვეთი													
	დეპონიტების დოლარიზაცია													
	სესხების დოლარიზაცია													
საგარეო სექტორი	გაცვლითი კურსი													
	გზავნილები													
	ექსპორტი													
	იმპორტი													
	სავაჭრო ბალანსი													
	საერთაშორისო რეზერვები													
ფისკალური სექტორი	შემოსავლები													
	მიმდინარე ხარჯები													
	კაპიტალური ხარჯები													

\*ცხრილში წარმოდგენილი მონაცემები შედარებულია გასული წლის შესაბამისი თვის ანალოგიურ მონაცემებთან

		აგვ 20	სექტ 20	ოქტ 20	ნოემბ 20	დეკ 20	იანვ 21	თებ 21	მარ 21	აპრ 21	მაისი 21	ივნ 21	ივლ 21	აგვ.21
რეალური სექტორი	მშპ-ს ზრდის ტემპი													
	დღგ-ს ბრუნვების ზრდის ტემპი													
მონეტარული სექტორი	ინფლაცია													
	მონეტარული პოლიტიკის განაკვეთი													
	დეპონიტების დოლარიზაცია													
	სესხების დოლარიზაცია													
საგარეო სექტორი	გაცვლითი კურსი													
	გზავნილები													
	ექსპორტი													
	იმპორტი													
	სავაჭრო ბალანსი													
	საერთაშორისო რეზერვები													
ფისკალური სექტორი	შემოსავლები													
	მიმდინარე ხარჯები													
	კაპიტალური ხარჯები													

\*\*ცხრილში წარმოდგენილი მონაცემები შედარებულია წინა თვის ანალოგიურ მონაცემებთან

<sup>2</sup> გაცვლითი კურსის ზრდა ნიშნავს გაუფასურებას, კლება გამყარებას.